

薊城縣志卷十四

學校一

儒學初在縣西五里舊城內始建無攷元至大十七年野仙帖木重脩旋圯明洪武七年縣丞凌文質復建之正統間城圯學與俱廢知縣何子聰徙建今縣治之西南萬歷間知縣張鑑張汝鈺郭峻

國朝順治十六年知縣安錫祚康熙四十四年知縣徐容繼脩乾隆三年知縣蘇襄雲倡捐邑人續嘉謨等勸輸興脩嘉慶十七年知縣黃憲臣學官張程趙力檢典史金元音

邑人申番等增脩申爲大成殿殿左右爲東西兩廡前爲

戟門門外爲名宦鄉賢二祠

明嘉靖間教諭強自省建

爲更衣亭

在名宦祠

前嘉慶二十五年教諭張珵訓導劉仕望建

又前爲櫺星門爲泮池

明嘉靖四十二年知

縣賀國定堯以磚作橋其上

池東偏爲鐘樓

明嘉靖四十三年知縣賀國定脩旋廢

國朝嘉慶

二十四年知縣盧二秩學官張珵王林南邑人張攀桂等重建

池三面環以墻墻有門左

曰金聲右曰玉振墻之外東西二坊曰德配天地曰道貫

古今東坊之南則魁星閣也

舊在學署門內嘉慶十七年知縣黃憲臣徙建今所

大

成殿後爲明倫堂

明嘉靖七年知縣連悅之建知縣邢倫落成國朝嘉慶十九年知縣顏鳳儀

督邑人申番等重脩

堂以下爲脩德凝道二齋

明嘉靖間知縣賀國定建國朝嘉慶十

九年知縣顏鳳儀督邑人申番等重脩

折而稍東爲崇聖祠

舊祠卽今文昌先代祠明

嘉靖十年知縣邢倫建

一國朝祠之左爲厨舍

嘉慶二十年教諭

張理訓導劉仕望建

其南爲忠孝祠

雍正八年知縣談起行學官爲張拱白德珪典史盧煜文脩

爲

文昌先代祠

嘉慶十七年知縣黃憲臣以崇聖祠舊址改建

爲文昌閣

嘉慶十七年知縣黃

憲臣以魁星閣舊址改建二十五年知縣盧二秩學官張理傅美成邑人衛淇等於閣前添建亭三楹

又南

爲學署大門門有額曰斯文模範明倫堂左右爲講堂

明嘉

靖間教諭強自省建

國朝乾隆四十五年訓導雷應暢嘉慶二年知縣邵麟德學官戴惟寅喬自勗先後繼脩

爲教諭宅爲訓導宅

康熙十七年知縣邵麟德督邑人楊于都等復

脩

最後爲敬一亭爲尊經閣

俱康熙十七年知縣呂維榦建

舊志號舍在魁星閣後明嘉靖間知縣萬選建今魁星閣改爲文昌閣號舍遂廢

射圃亭在學署東牆外明嘉靖間知縣萬選建教諭強自省撰記圃南北長九十步東西濶一十二步內官井一今井在而圃與亭皆廢

學額十二名增廩生各二十名兩年貢一名

學田舊志載水地叁拾畝平地壹畝肆分貳釐捌毫開平地壹畝伍分陸釐中坡地肆畝叁分伍釐又平地貳畝陸分中坡地壹拾陸畝肆分共水旱地陸拾陸畝通

志載順治二年知縣秦嘉兆置水地叁拾畝平地貳畝
零中坡地壹拾陸畝零共水旱地肆拾捌畝零又明倫
堂碑載邑人郭洪鼎契捐水地叁拾畝洪邑范鄺鼎捐
置水地壹拾肆畝玖分共水地肆拾肆畝玖分地數互
有不符今現存學田孫堡堡東水地叁拾畝旱地拾玖
畝磨頭村鉄陡口水地壹畝肆分東門外沙圪塔水地
貳畝又師家墳前水地壹畝貳分北門外下畛裏水地
壹畝南門外東堡上水地壹畝陸分共水旱地伍拾陸
畝貳分每年地租本學經管支銷

又舊志載明按院趙文炳王昌印劉漪邑人聞承寵共
捐銀壹百捌拾兩歲收其息以贖貧士今無存

趙城縣志卷十五

學校二

宸翰

康熙二十三年

御書萬世師表雍正四年

御書生民未有乾隆三年

御書與天地參嘉慶五年

御書聖集大成道光元年

御書聖協時中均頒發天下學宮懸額大成殿

康熙二十五年

御製

至聖先師孔子贊四配贊

孔子贊并序

蓋自三才建而天地不居其功一經傳而聖人代宣其
蘊有行道之聖得位以綏猷有明道之聖立言以垂憲
此正學所以常明人心所以不泯也粵稽徃緒仰邇前
徽堯舜禹湯文武達而在上兼君師之寄行道之聖人
也孔子不得位窮而在下秉刪述之權明道之聖人也

行道者勳業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀闕里景企滋深敬摛筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大

成序書刪詩定禮正樂既窮象繫亦嚴筆削上紹往緒
下示來型道不終晦秩然大經百家紛紜殊途異趣日
月無踰羹牆可晤孔子之道惟中與庸此心此理千聖
所同孔子之德仁義中正秉彝之好根本天性庶幾夙
夜勗哉令圖遡源洙泗景躅唐虞載歷庭除式觀禮器
擖毫仰贊心焉遐企百世而上以聖爲歸百世而下以
聖爲師非師夫子惟師於道統天御世惟道爲寶泰山
巖巖東海泱泱墻高萬仞夫子之堂孰窺其藩孰窺其
徑道不遠人克念作聖

顏子贊

聖道早聞天資獨粹約禮博文不遷不貳一善服膺萬
德來萃能化而齊其樂一致禮樂四代治法兼備用行
舍藏王佐之器

曾子贊

洙泗之傳魯以得之一貫曰唯聖學在茲明德新民止
善爲期格致誠正均平以推至德要道百行所基纂承
統緒脩明訓辭

子思子贊

於穆天命道之大原靜養動察庸德庸言以育萬物以
贊乾坤九經三重大法是存篤恭愼獨成德之門卷之
藏密擴之無垠

孟子贊

哲人既萎楊墨呂熾子輿闢之曰仁曰義性善獨闡知
言養氣道稱堯舜學屏功利煌煌七篇並垂六藝孔學
攸傳禹功作配

乾隆十三年

御製四賢贊并序

聖門弟子三千其賢者七十有二人史記家語各爲紀其姓氏考其事迹以垂之後世而能契夫子之心傳得道統之正脈者則惟顏曾思孟四人顏子得克己復禮之說曾子與聞一貫之傳親炙一堂若堯舜禹之相授受負乎尙矣子思師事曾子發明中庸之道而歸其功於爲已謹獨孟子當戰國橫流之時私淑子思距楊墨閑聖道而養氣之論爲前聖所未發昌黎韓子以爲其功不在禹下有以也庚戌秋偶閱有宋諸儒傳因思宋儒所宗者孔子之道賴顏曾思孟而傳今聖廟祀典四

走坡縣志 卷一
子升配堂上爲百代之楷模因各係以贊用誌景行之
私云爾

復聖贊曰貧也者吾不知其所惡壽也者吾不知其所
慕德以潤身孰謂其貧心以傳道孰謂難老簞瓢陋巷
至樂不移仰高鑽堅三月無違夫子有言克已成性用
致其功允成復聖

宗聖贊曰宣聖轍環在陳興歎孰是中行授茲一貫會
子孜孜惟聖依歸唯而不疑以魯得之會友輔仁任道
重遠十傳釋經超商軼偃念彼先子沂水春風淵源益

粹篤實春容臨深履薄得正以終三千雖多獨得其宗
述聖贊曰天地儲精川嶽萃靈是生仲尼玉振金聲世
德作求孝孫惟則師曾傳孟誠身是力眷茲後學示我
中庸位天育物致和致中夫子道法堯舜文武紹乃家
聲述乃文祖

亞聖贊曰戰國春秋又異其世陷溺人心豈惟功利時
君爭雄處士橫議爲我兼愛鼓簧樹幟魯連高風陳仲
廉士所謂英賢不過若是於此有人入孝出弟一髮千
鈞道脈永繫能不動心知言養氣治世之畧堯舜仁義

愛君澤民惓惓餘意欲入孔門非孟何自孟丁其難顏
丁其易語默固殊道無二致卓哉亞聖功在天地

順治九年

頒卧碑於天下學宮置明倫堂左曉示生員

朝廷建立學校選取生員免其丁糧厚以廩膳設學院
學道學官以教之各衙門以禮相待全要養成賢才以
供朝廷之用諸生皆當上報國恩下立人品所有條教
開列於後

一生員之家父母賢智者子當受教父母愚魯或有非

爲者子旣讀書明理當再三懇告使父母不陷於危亡
一生員立志當學爲忠臣清官書史所載忠清事蹟務
須互相講究凡利國愛民之事更宜留心

一生員居心忠厚正直讀書方有實用出仕必作良吏
若心術邪刻讀書必無成就爲官必取禍患行害人之
事者徃徃自殺其身常宜思省

一生員不可干求官長交結勢要希圖進身若果心善
德全上天知之必加以福

一生員當愛身忍性凡有司官衙門不可輕入卽有切